



Broj: 02-05-18311-2/12
Sarajevo, 23.05.2012. godine

Na osnovu čl. 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj: 24/03 - Prečišćeni tekst), Vlada Kantona Sarajevo, na **70.** sjednici održanoj **23.05.2012.** godine, donijela je sljedeći

Z A K L J U Č A K

1. Utvrđuje se Prijedlog odluke o dopuni Odluke o imenovanju članova Vijeća nacionalnih manjina Kantona Sarajevo.
2. Predlaže se Skupštini Kantona Sarajevo da, u skladu sa Poslovnikom Skupštine, doneše odluku iz tačke 1. ovog Zaključka.

P R E M I J E R

Fikret Musić

Dostaviti:

1. Predsjedavajuća Skupštine Kantona Sarajevo
2. Skupština Kantona Sarajevo
3. Premijer Kantona Sarajevo
4. Ministarstvo pravde i uprave
5. Evidencija
6. Archiva



web: <http://vlada.ks.gov.ba>
e-mail: premijer@ks.gov.ba;
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1



Na osnovu člana 18. tačka m) Ustava Kantona Sarajevo („Službene novine Kantona Sarajevo“, br. 1/96, 2/96-Ispravka, 3/96-Ispravka, 16/97, 14/00, 4/01 i 28/04) i čl. 24, 25. i 32. Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo", broj 27/11), na osnovu prijedloga Vlade Kantona Sarajevo, Skupština Kantona Sarajevo, na sjednici održanoj _____ 2012. godine, donosi

O D L U K U
O DOPUNI ODLUKE O IMENOVANJU ČLANOVA VIJEĆA NACIONALNIH MANJINA KANTONA SARAJEVO

I

U Odluci o imenovanju Vijeća nacionalnih manjina Kantona Sarajevo („Službene novine Kantona Sarajevo“, broj 13/12) u tačci III, iza alineje 13. briše se tačka i zamjenjuje se interpunkcijskim znakom „;“ i dodaju se al. 14. i 15. koje glase:

„14. Violeta Džolan, predstavnik Rumunske nacionalne manjine;
15. Jasmin Hasanović, predstavnik Romske nacionalne manjine.“

II

Ova odluka stupa na snagu osmog dana od dana objavlјivanja u „Službenim novinama Kanta-na Sarajevo“.

Broj _____
Sarajevo, _____ 2012.godine

PREDSJEDAVAJUĆA
SKUPŠTINE KANTONA SARAJEVO

Prof.dr. Mirjana Malić

O B R A Z L O Ž E N J E

I – PRAVNI OSNOV

Pravni osnov za donošenje ove Odluke utvrđen je u članu 25. st. 6 Zakona o zaštiti prava pripadnika nacionalnih manjina u Kantonu Sarajevo („Službene novine Kantona Sarajevo“, broj 27/11), kojima je utvrđeno da Skupština Kantona, tokom trajanja mandata Vijeća, dopunjava odluku o imenovanju Vijeća, po osnovu stalnog javnog poziva iz člana 33. ovog zakona, na prijedlog udruženja pripadnika nacionalnih manjina koje ima registrovano sjedište sjedište na teritoriji Kantona, a koje nema svog predstavnika u Vijeću.

II – RAZLOZI ZA DONOŠENJE

Skupština Kantona Sarajevo je na sjednici održanoj dana 28.03.2012. godine donijela Odluku o imenovanju Vijeća nacionalnih manjina Kantona Sarajevo, prema kojoj Vijeće nacionalnih manjina u Kantonu Sarajevo čine predstavnici trinaest (13) nacionalnih manjina.

Na osnovu člana 33. Zakona o zaštiti prava pripadnika nacionalnih manjina u Kantonu Sarajevo, Udruženje za afirmaciju Rumunske kulture u Bosni i Hercegovini i Udruženje „Sarajevski Romi“ su dostavili prijedloge svojih predstavnika za Vijeće nacionalnih manjina u Kantonu Sarajevo.

Naime, navedena dva udruženja su nakon objave Javnog poziva za udruženja pripadnika nacionalnih manjina koja imaju registrovano sjedište na području Kantona Sarajevo da izaberu i delegiraju svoje predstavnike u Vijeće koji je bio objavljen na WEB stranici Vlade Kantona Sarajevo dana 23.11.2011. godine i WEB stranici Skupštine Kantona dana 23.11.2011. godine, u dnevnom listu „Oslobodenje“ dana 24.11.2011. godine i „Službenim novinama Kantona Sarajevo“, broj 30/11 od 30.11.2011. godine, dostavili nepotpunu dokumentaciju za Javni poziv, te iz tog razloga njihovi predstavnici nisu bili uvršteni u Odluku o imenovanju Vijeća nacionalnih manjina Kantona Sarajevo koju je Skupština Kantona usvojila.

Nakon upućivanja zahtjeva za dopunu dokumentacije Udruženje za afirmaciju Rumunske kulture u BiH je kompletiralo svoju dokumentaciju dana 22.03.2012. godine, dok je Udruženje „Sarajevski Romi“ isto uradilo dana 24.04.2012. godine.

Na osnovu navedenog, Vlada Kantona predlaže Skupštini Kantona da doneše Odluku.

PRILOZI

ZAKON O VLADI KANTONA SARAJEVO

(*"Službene novine Kantona Sarajevo"*, broj: 24/03 – Prečišćeni tekst)

Član 22.

Vlada Kantona u ostvarivanju svojih nadležnosti utvrđenih ustavom donosi uredbe, odluke, rješenja i zaključke.

Član 24. St.2.

Odlukom se uređuju pojedina pitanja ili propisuju mjere Vlade Kantona, daje saglasnost ili potvrđuju akta drugih organa ili organizacija i odlučuje o drugim pitanjima o kojima se ne odlučuje uredbom.

ZAKON O ZAŠTITI PRAVA PRIPADNIKA NACIONALNIH MANJINA U KANTONU SARAJEVO

(*"Službene novine Kantona Sarajevo"*, broj 27/11)

Član 24.

(Osnivanje Vijeća nacionalnih manjina Kantona)

Skupština Kantona osniva Vijeće nacionalnih manjina Kantona Sarajevo (u dalnjem tekstu: Vijeće), kao stalno savjetodavno tijelo Skupštine Kantona, koje sačinjavaju predstavnici pripadnika nacionalnih manjina iz člana 3. ovog zakona.

Član 25.

(Sastav Vijeća)

(1) Vijeće čine po jedan predstavnik-delegat svake nacionalne manjine iz člana 3. ovog zakona (u dalnjem tekstu: delegat).

(2) Delegata u Vijeće predlaže udruženje pojedine nacionalne manjine koje ima registrovano sjedište na teritoriji Kantona, a bira ga na način na koji to odredi udruženje.

(3) Kandidat za delegata u Vijeću može biti svaki član udruženja nacionalne manjine iz stava (2) ovog člana koji ima opće biračko pravo u Bosni i Hercegovini i nastanjen je u Kantunu u neprekidnom trajanju od najmanje jedne godine do dana stupanja na snagu ovog zakona.

(4) Ukoliko nacionalna manjina ima više svojih udruženja čije je sjedište registrovano na teritoriji Kantona, udruženja zajednički predlažu jednog kandidata za delegate te nacionalne manjine u Vijeću.

(5) Na osnovu prijedloga delegata u Vijeće, članove Vijeća odlukom imenuje Skupština Kantona.

(6) Skupština Kantona, tokom trajanja mandata Vijeća, dopunjava odluku o imenovanju članova Vijeća, po osnovu stalnog javnog poziva iz člana 33. ovog zakona, na prijedlog udruženja pripadnika nacionalnih manjina koje ima registrovano sjedište na teritoriji Kantona, a koje nema svog predstavnika u Vijeću.

Član 32.

(Rok za imenovanje članova Vijeća u prvom mandatu)

Na osnovu prijedloga Vlade Kantona, Skupština Kantona imenuje članove Vijeća u prvom mandatu, najkasnije u roku od tri mjeseca od dana stupanja na snagu ovog zakona.

BOSNA I HERCEGOVINA 71000 SARAJEVO Safeta Hadžića 34 TEL, 061.274-883



E- MAIL:sarajevskiromi@hotmail.com

UDRUŽENJE "SARAJEVSKI ROMI" SARAJEVO

Bosna i Hercegovina
Federacija Bosne i Hercegovine
KANTON SARAJEVO
Vlada
MINISTARSTVO PRAVDE I UPRAVE
Sarajevo

Dana 23.04.2012.

Poštovani

Oglašavamo se povodom izbora članova za Vijeće nacionalnih manjina Kantona Sarajevo s razlogom da nismo uputili dodatnu dokumentaciju za izbor za predstavnika člana iz našeg udruženja iz reda romske populacije a s obzirom da je se šest (6) organizacija udruženja Roma dogovorilo da :

Jasmin Hasanović ispred reda romske nacionalne manjine za Vijeće nacionalnih manjina Kantona Sarajevo, bude imenovan kao član u ovome tijelu.

U prilogu vam šaljemo dodatnu dokumentaciju.

S poštovanjem

Muhamed Hasanović

Predsjednik udruženja " Sarajevski Romi "

Tel. : 061 274 883



BOSNA I HERCEGOVINA 71000 SARAJEVO Safeta Hadžića 34 TEL, 061.274-883



E- MAIL:sarajevskiromi@hotmail.com



UDRUŽENJE "SARAJEVSKI ROMI" SARAJEVO

Bosna i Hercegovina
Federacija Bosne i Hercegovine
KANTON SARAJEVO

Vlada
MINISTARSTVO PRAVDE I UPRAVE K.S.
Sarajevo
Dana 23.04.2012.

Spisak udruženja koji podržavaju kandidaturu Jasmina Hasanovića za člana Vijeća nacionalnih manjina Kantona Sarajevo
Udruženje Roma "Sarajevski Romi" Sarajevo

Predsjednik udruženja Muhamed Hasanović



Udruženje Roma "ROMAS" Sarajevo

Predsjednik udruženja Dragiša Radić

Dragiša Radić



Udruženje Roma "Brača Romi" Sarajevo

Predsjednik udruženja Alija Abazi

Alija Abazi



Udruženje Roma "Prosperitet Roma" Sarajevo

Predsjednik udruženja Ramiz Sejdić

Ramiz Sejdić



Udruženje Roma "Život Roma" Sarajevo

Predsjednik udruženja Muharem Tahirović



Udruženje Roma "Amaro Ternipe - Naša omladine" Sarajevo

Predsjednik udruženja Mite Hasim





Broj: 9/12
Sarajevo, 22. mart 2012. godine

gđa/gđica Indira Šulović
Sekretar Ministarstva
Ministarstvo pravde i uprave Kantona Sarajevo
Reisa Džemaludina Čaučevića 1
71000 Sarajevo, Bosna i Hercegovina

Poštovana,
Posebno mi zadovoljstvo, na osnovu člana 3. Zakona o zaštiti prava pripadnika nacionalnih manjina u FBIH ("Službene novine Federacije BIH" br. 56/08), članova 25. i 33. (Stalni javni poziv) Zakona o zaštiti prava pripadnika nacionalnih manjina u Kantonu Sarajevo ("Službene novine Kantona Sarajevo" br. 27/11) i člana 12. Statuta Udruženja za afirmaciju rumunjske kulture u Bosni i Hercegovini, predložiti gđu **Violetu Džolan** za predstavnici rumunjske nacionalne manjine u Vijeću nacionalnih manjina KS;

U prilogu se nalazi traženo Rješenje o upisu u registar br. UP08-07-1-1574/11 kojim dokazujemo status pravnog lica i sjedište udruženja na teritoriji Kantona Sarajevo.

Srdačan pozdrav,



Jovan Ilica
Predsjednik Skupštine



Broj: UP08-07-1-1574/11
Sarajevo, 12.03.2012.godine

Ministarstvo pravde Bosne i Hercegovine, rješavajući Zahtjev Udruženja za afirmaciju rumunske kulture u Bosni i Hercegovini, sa sjedištem u Sarajevu, ulica Maria Mikulića broj 61, u predmetu, upis u Registar udruženja, na osnovu člana 8. i 33. Zakona o udruženjima i fondacijama Bosne i Hercegovine ("Službeni glasnik BiH", br. 32/01, 42/03, 63/08 i 76/11) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitskih organizacija ("Službeni glasnik BiH", broj: 44/10 i 14/12), donosi

RJEŠENJE

- U Registar udruženja kod Ministarstva pravde Bosne i Hercegovine upisuje se Udruženje pod nazivom:

**Udruženja za afirmaciju rumunske kulture u Bosni i Hercegovini
Удружења за афирмацију румунске културе у Босни и Херцеговини
Udruga za afirmaciju rumunske kulture u Bosni i Hercegovini**

Sjedište Udruženja je: Sarajevo, ulica Maria Mikulića broj 61.

- Upis je izvršen pod registarskim brojem 1237, knjiga I Registra, sa danom 12.03.2012. godine.
- Udruženje ima znak.
 - Znak Udruženja predstavlja djevojčica koja u svojoj desnoj ruci drži pastirski štap.
- Danom upisa u Registar udruženja kod Ministarstva pravde Bosne i Hercegovine, Udruženje stiče svojstvo pravnog lica i ima slobodu djelovanja na cijelom području Bosne i Hercegovine isključivo pod registrovanim nazivom.
- Ciljevi i djelatnosti Udruženja su: okupljanje pripadnika rumunske nacionalne manjine; okupljanje državljana Bosne i Hercegovine rumunskog porijekla; pomoć u afirmaciji rumunske kulture i osobenosti rumunske nacionalne manjine u Bosni i Hercegovini, kroz organizovanje kurseva, izložbi, seminara, okruglih stolova i sličnih aktivnosti za članove Udruženja; izdavanje knjiga, časopisa, prospeskata, brošura i drugih publikacija za članove Udruženja, radi ostvarenja ciljeva Udruženja; obavljanje drugih zakonitih poslova koji su u funkciji ostvarivanja ciljeva Udruženja.
- Lice ovlašteno za zastupanje Udruženja u pravnom prometu je:
 - Violeta Džolan, Predsjednica Udruženja,
Sarajevo, ulica Maria Mikulića broj 61.
- U slučaju nastupanja promjena činjenica koje su upisane u Registar, Udruženje je dužno u skladu sa članom 43. stav 1. Zakona o udruženjima i fondacijama Bosne i Hercegovine podnijeti ovom Ministarstvu zahtjev za izmjenu i dopunu registracije, u roku od 30 dana od dana izvršene promjene.
- Ovo Rješenje objavljuje se u „Službenom glasniku BiH“.

Obrázloženje

Udruženje za afirmaciju rumunske kulture u Bosni i Hercegovini, sa sjedištem u Sarajevu, ulica Maria Mikulića broj 61, je dana 27.09.2011. godine podnijelo zahtjev za upis u Registar udruženja kod Ministarstva pravde Bosne i Hercegovine, pod nazivom: Udruženje za afirmaciju i promociju rumunske kulture u Bosni i Hercegovini.

U toku postupka registracije, Ministarstvo je utvrdilo da zahtjev nije potpun, te da sadrži nedostatke i nepravilnosti zbor kojih nije moguće izvršiti registraciju. Ministarstvo je aktom broj: UP08-07-1-1574/11 od 27.10.2011. godine zatražilo ispravku i dopunu zahtjeva.

Podnositelj zahtjeva je podnoscima od 21.11.2011. godine i 10.02.2012. godine izvršio izmjene i dopune zahtjeva, te je uz zahtjev za upis u Registar udruženja priložio slijedeću dokumentaciju: Zapisnik sa Osnivačke skupštine Udruženja od 11.08.2011. godine; Odluku o osnivanju Udruženja za afirmaciju rumunske kulture u Bosni i Hercegovini, broj: 01/11 od 11.08.2011. godine, sa potpisima svih Osnivača; dva primjerka Statuta Udruženja, broj: 02/11 od 11.08.2011. godine; Odluku o imenovanju Predsjednika Skupštine Udruženja, broj: 03/11 od 11.08.2011. godine; Odluku o imenovanju Predsjednice Udruženja, broj: 04/11 od 11.08.2011. godine; Odluku o imenovanju lica ovlaštenog za zastupanje i predstavljanje Udruženja u pravnom prometu, broj: 05/11 od 11.08.2011. godine, kao i ovjeren vlastorucični potpis imenovanog lica; Odluku o imenovanju lica ovlaštenog za podnošenje zahtjeva za upis Udruženja u Registar udruženja, broj: 06/11 od 11.08.2011. godine; otisak i opis znaka Udruženja; opis pečata Udruženja, te ovjerenе fotokopije ličnih karata svih Osnivača Udruženja.

Na osnovu činjenica utvrđenih u postupku, proizilazi da su ispunjeni uslovi predviđeni Zakonom o udruženjima i fondacijama Bosne i Hercegovine i Pravilnikom o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis Udruženja za afirmaciju rumunske kulture u Bosni i Hercegovini, u Registar udruženja kod Ministarstva pravde BiH, pa je doneseno rješenje kao u dispozitivu.

Na ovo rješenje naplaćena je administrativna taksa u iznosu od 200,00 KM u skladu sa članom 33. stav (2) tačka a) navedenog Pravilnika.

Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.



Dostavljen:

- Udruženju za afirmaciju rumunske kulture u Bosni i Hercegovini,
Ulica Maria Mikulića broj 61, 71000 SARAJEVO
i ovjeren tekst Statuta Udruženja za afirmaciju rumunske kulture u Bosni i Hercegovini;
- Zbirka isprava;
- JP NIO "Službeni list BiH".